

中国文献珍本丛书

晚清珍稀期刊续编 (十六)

全国图书馆文献缩微复制中心

湘 报

啟時文爲古文論

謝錫伍元榮撰

時文無論其未必佳也即佳如金陳如歸胡而試問有益於學有用於世否則不但憎之嫉之者知其無一益無一用即尊之若舜鼎嗜之若性命者平心忖度亦茫不解其何謂也然則以此無益無用之物束人之手如婦人之束其足且束人之心更甚於婦人之束其足此而謂不宜廢必其人有嗜痂之癖而後可然世局日非離微之士方拳拳焉必以廢時文而保教者非以聖人之道流傳至久不忍一朝漸滅哉或曰時文固無當於聖道而使今日儒生得以粗知聖道者則以能讀四子書其所以必讀四子書者則以朝廷以制藝取士耳如不以此取士安知肆力他途者不同專力於此之亦有流弊耶伍元榮曰不然有明以前未有此製何以名臣理學彪炳萬世何以韓柳歐蘇之文皆能闡明聖賢之微言奧義爲後世儒者宗庶弗及今試問制藝既興其孰能古文者如明之歸唐本朝之陽湖桐城雖復簡潔明淨以視漢唐之輩之源本經術瑰偉奇麗浩浩落落者何如也故余嘗痛哭流涕於經術之衰文體之壞士氣之靡替時文爲之洵不自覺其言之激也況割截枯槁之歧趨向壞人心罔不由防弊太甚之心日枯一日彌歷年載成茲劫運日月不明教宗垂絕悲夫今朝廷既設歲舉二三場試時務題四帶文章野微儒得以鑽研時務發聵耳目開拓心胸暨備舉庶幾可免然體製不變則仍不足暢發其才思披瀝其胸臆夫科舉之設明是言路必多忌諱使碩士魁儒皆爲贅臣糊子是爲爲者文人之筆猶櫛士之舌千萬言不爲多百數語不爲少必限以字數又何爲者官猶水也或直或曲可隨其性必束以八比便不得馳驅又何爲者噫今之自命爲八比巨公者其亦知比字果何謂哉吾以爲若錄囚然今日一比甫上一領明日一比又益一械所比愈多則生意愈盡故提比者提出囚人而比之也中比後比者則其迭次比之也至末一束比則囚人死而戶就束矣嗚呼吾儒何辜乃竟罹此文網哉且夫摘管爲文明是替我之管也乃藉古人之言以爲言古人已無管矣乃代之以立言連篇累牘禍福災梨謂爲今言唯唯否否謂爲古言渺渺茫茫即使化學家以化分化合之法施之亦無從着手况所代之人非他固明明聖人也賢人也王通擬論語後儒猶斥其僞妄今也五尺童子操三寸不律學爲時文即教之作孔孟語僭妄之罪安有倫比由是一史事也不能明用一時事也不敢擱入致使鯽魚措大案頭惟置高頭講章店裏專買新科利器老死牖下不復知人世間向有何等學問何等事業夫亦何怪其然夫亦何怪其然而拘墟之士猥慮其舉此藝而廢之則恐後來無人讀四子書敵國未滅吾教而吾先自滅其教噫是何曾默無已則有變之一法行以古文視同棄輪無忌諱無限制無破承小講八

比無人語氣無割截小題凡大小試均以切時務之單章單句命題俾得剴切詳明直隨時事有可採納即見施行無議院而以試場為之院無議員而以學士為之員則從前之無益無用者至此而大有益大有用上不負朝廷設科取士之意下不取儒生荒經蔑古之愆亦計之兩得者也賢哉通士以為何如

南學會問答(善化曾紀文問)竊聞公法為仁至義盡之書泰西有權力者皆恃此以相維持即瑞士摩洛哥亦與盟會永為兵戈不到之區誠盛事也我朝於五洲為大國何樞府顯臣未聞以公法請命於天子者即請而不許當為大局起見以死力爭之如萬不可行則掛冠而去至今尚默默無言豈以公法為不足憑乎抑或華夷之見橫梗於中以為不屑與言乎否則請入公法外人尚不違許乎嘗求其故而不得願長者有以賜教焉○答曰萬國公法第十節云歐羅巴亞美利加諸國索耶穌之教者與中國邇來亦共議和約中國既弛其舊禁與各國交際往來無論平時戰時要皆認之為平行自主之國也乃近來遇有交涉輒不以公法相待者或曰國律不同也宗教各異也條約許行也案公法雖言政治之體制係屬內政而公法不論然律法之顯違公法者自當變法以同法未可強外人以不能行若夫宗教同異與公法無干公法會通云公法雖出於泰西奉教諸國而始行於西方然不局於西方亦不混於西教又云公法不分畛域無論東教西教儒教釋教均目為一體而毫無歧視也是公法無與於宗教之明證也公法雖有條約許行之便法然公法會通第四百一十章云違約之責出於義理本於天良否則邦國難以自立即無以交接若條約與仁義之正道逕庭或與公法之本意不合者皆可廢之則條約可許亦可廢之明證也日本初年立約受侮與我同近能發憤自強與泰西諸國改約平等我中國不改紀其政雖欲請入公法其將能乎李傅相請加稅則猶不見允況其他乎泰西各國於非亞兩洲純以野蠻待之其於泰西各國亦非樂守公法特恐其報復恐其仇怨故謹守之今我國勢凌厲如此其能與諸國抗顏乎故今日欲入公法會非發憤自雄無可為者孟子曰既不能令又不受命是絕物也有志之士知所興起矣

首府牌示

四月十二日開考長沙善化二縣文童十五日接考湘陰瀏陽甯鄉三縣文童十八日接考醴陵湘潭益陽三縣文童

中國財賦通論續前稿○論蜀鄂粵三省礦務○我國駐重慶領事涂德孟曾論九江山形豐厚地脈堅凝煤礦一宗已足抵一巨債富商嘗請設法開採而蜀督嚴之謂宜先委人員馳赴各屬察勘擇礦苗最旺之區試行

攻探俟辦有成效加派安員設局荒率以期逐漸擴充在華人以為事屬創舉宜以循序為功不知曠日持久必致徒誤事機謂非膠固不通廢時失事不可也開平煤業為中國礦務先聲其所以然者善用洋匠卓著成功李傅相之力也鄂督負忠君愛國之心為採辦補偏之計鑛煤礦後隨施行拉鍊鑛鑛遂將推究立湖北鑛政之局儲蓄鑛路之材第礦學與非冥心可推測唯礦所之佈置即利害所攸關漢陽鑛廠距礦六十英里轉運殊費工夫鼓鑪不免需帶遂至掘泡之源化成涓滴誠可惜也中國煤礦地人謂廣東邊陲產煤素著其實粵閩兩內隨處皆然可謂地不愛寶矣使鳩工開採俾益良多香港之商業可與中國之稅務必振興為自審利源哉○論礦臣理財之病○海關稅項均買洋債進款能事仗備實窮觀其財政之不綱即知治法之已弊其治權則分寄疆吏而各省督撫治賦理財分畛域第推正之供未敢或缺焉其稅款則折而兩之一解戶部一輪海關此制及今猶然也二十九年威妥瑪手記有言前八年中國以五年內所入洋稅抵賠英法兵費後僅解四成入部歸所餘於海關為本省公用之費其五年中洋稅祇為英法代收惟粵關所入仍輪內藏中國皇恩補採幾十五稔蓄為是也○論洋稅開銷○海關稅銀輸入關庫以道員監之閱其常年銷數係目頗繁上海關稅約征五百萬兩分作三十六項開銷攤勻洋債須二十萬七千五百一十七兩其餘委員差弁之費三十萬七千兩道員監取養廉按稅課每百抽一分二書吏辛工四千九百七十六兩不與焉船鈔項下例繳總理衙門十之三總稅務司十之七南洋通商大臣年俸五千六百四十兩機器製造滬局經費七十七萬五千兩北京陸營東北守禦及內府正供例提四十一萬七千八百一十五兩出洋便署應供三十八萬四千六百二十五兩南北洋防海軍費各三十三萬七千一百四十五兩北洋協餉三十六萬兩蘇甯兩處織造局常費亦於是仲給焉更有盛京助餉沿河修費及貼招商來往商旅川費給本省綠營軍餉等項難以枚舉今以關稅抵質洋債則各項開銷何從籌措將來緩急奚應徵求持此以問支那人吾知其口呿而不合舌蹇而不下也 未完

論俄德近日在亞洲之步履○蘇格蘭日報云自今日始某某兩國報章絕口不語支那事矣而以德京漢京之報觀之則凌遲支那之局不但非屬觀望而其實操刀欲割也蓋彼得魯肅拜大報名奴僕釋太有云譬如歐洲諸大國至於萬不獲已之時但用一定步驟即可免於戰爭波蘭其往事也云云夫以波蘭視支那是則某人雖許分我英以杯羹抑我英自請於某而擇肥以噬則即受權於某而沙侯之意必從新三國會盟而後起而取支那於至不獲已之時但照此瓜分則禁樹將不落於我英之手故沙侯亦弗之許此意蓋不可不

知也夫瓜分支那之局之去今不遠也今使執途人而問之曰支那如何必曰支那土地可謂大矣立國可謂早矣各種學術可謂多矣如其想此基業以圖自強夫豈異人任哉蓋不能輕視之也無如支那事變時甘居人下當其與日本構兵也日本凱歌之聲達於都下然而中日之交猶未渙也而支那本來真面目畢露於硝煙彈雨之餘是故轉某人劫奪其國海軍最有為之地而未嘗以一矢相加遺也且許效尤者據其海軍屯聚最扼要之區俾得訓練有時以便舉兵直逼京師而亦不以爲意也若果未知西國議論者然近日道途之口會曰暹都是果舉都也者若官府若皇族則必棄其安土而立其國於金陵或遷於內地爲外人所不易到而近於支那之中洲然則開中西爭局成後此百年關係之論將於今著筆矣夫瓜分支那之事姑置不論而各大邦之所求利益與其政策之良法美意苟可以進步之處萬不敢稍視其眈眈之視其義之公是非尙未可定而但望其萬一無涉乎公法家之理與諸大臣之論而已耳所可怪者彼既託詞爲耶穌教徒則當遵守耶穌教之規矩願以十字架爲標箭牌雖顯露教中之第八第十誡言而不恤且無一人以悖理責其教士而又美其人之所爲於支那者爲手法之獨高有密克者以匹夫爲忠告之謀嘗布其言於亞洲曰荷他國紛至沓來皆以爲教士復讐之說爲口實恐支那所有海口不能據爲己物矣觀某國之條款直以威勢逼支那以成其借租之事任意而行似乎支那示之以弱且宿意感之故於某之深懼前來而惟命是聽耶密克則又指今日所遇之事推測一千八百九十六年英國男爵某君與某國男爵某君所議論以解畢士馬克洩漏之事者密克嘗稱其故且堅信某某二國不致阻止歐洲事業蓋大洲之利將盡供我英與各國轉睦私相會盟之時所謂不戰而來分支那者非耶愛考其時則在千八百九十五年矣今夫某某三國之在遠東也躊躇滿志起而圖之即得大資於支那而若墨仍不多某人則指膠州某人則指旅順某人之意則指福州船政與已鑷之鐵路及其他所欲致者所可慮者支那無所利於相助之國支那視相助之國比諸仇讎尤爲可慮天下痛心之事莫若割地與人今日五城明日十城如某之膠州步其後者方將不論何事皆可以建其功名與意外之想關係之要如野有死雉鷹將墜下而陷焉已耳凡此可爲長太息之事者歐人固行於亞非利加洲之故智也彼急切以大其屬地之機捷足輕躍以得其所有其勢不至於激發摩礪勢如亂絲流血漂杵者不止也支那今日固不免爲戮矣而我曹皆責以有利均器於機機分裂之餘雖澳洲之衛加釐亦逞其發憤爲雄之心以求分乎社肉而弗恤其性命之憂彼某某兩國業已辯駁衛加厘之事且同時登諸報章謂澳洲之於支那利權之小直置諸不憐不論之保耳以每年喻英國商

船之進支那口岸者不下二千餘號澳洲商船可以不齒矣蓋五百三十七分支那出口之貨英有其二百四十五分澳洲不過四分而已英國之勢可以自擅關稅之權即使支那關稅增加於瓜分之際以英國商務之大自能抑制而使輕之彼澳洲之於支那利權固小者也苟使其為大而我英之利權必鄰於小而至於無如某之利權與機會固已顯露於支那而使人有甚可疑者某皇既欲聯某之指臂某但熟思審計不以欲速而使不遠則必待乎西伯利亞鐵路既通之日蓋惟通籌全局者始不急切圖功也是二國者皆深閱歷於當今局勢矣雖然日本固亦可以捷足爭先於歐西二大國尚未慘澹經營根本之地之先也於支那交界之海疆而為之控告友邦而引導之亦云易易但遺禍於若國之朝廷以速底於瓜分耳苟或允我以至多之便利與出疆之事亦甚願焉且深信英國將不步某急切圖功之後塵所最智者則靜伺支那有意外之變而後起而為之以視孟浪從事者相去懸絕也然斯意非人之所能言也必待其難端將起出於夢想所必不到則中國之大關鍵在焉

美國新定禁止劣茶進口條例附茶辦章程○第一款美國上下議院會議定一千八百九十七年五月一號即光緒二十三年三月三十日起凡各國有人運來美國之茶其品比此例第三款所載官定茶辦較下者概行禁止進口 第二款此例定之後戶部大臣當派熟識茶務人員七名妥定茶辦呈送查驗嗣後每年西歷二月十五號以前均照此例妥定茶辦呈驗備用該員等任由戶部大臣隨時撤留限一年為任滿若未滿任或被斥革或遇病故或自行告退或因別項事故開缺者戶部大臣即派員接充續滿原任之期為止各員應於七人中共推一人為首領所有來往公文歸其一手經理每年應給每員酬金五十元其辦公各費另行酌加所需款項即在征收海關稅餉經費下勦支 第三款合准進口之各種茶類由戶部大臣妥定樣式並當照樣多備茶辦分發紐約金山檀家谷以及各口稅關收存以資對驗至若茶商欲取官定茶辦可照原價給領所有茶類其品比官定茶較下者均在第一款禁例之內 第四款凡商人裝運茶數來美入口報關時須要呈具保據交該口稅務司收存言明該貨於未經驗放之前不得擅移出棧當由茶商將貨單所載各茶樣呈驗另立誓辭聲明本貨確實相符方為妥洽或任茶師自取樣式逐一與官定茶辦比較其入境如未派茶師者商人當備各茶式樣並立誓辭呈送該口抽稅之員查收復由該員另取各茶樣式一併送交附近海口茶師收驗 第五款有茶數經茶師驗過其品確係與官定茶辦相等稅務司亦無異言自當立即給照放行若其品比官定茶辦較下者則立刻通知茶商除復驗批駁茶師有錯外不准放行若運到之茶品類不齊可將好茶放行其大等者扣留

第六款茶師驗明之後茶商或稅務司或有異言可請戶部大臣派總估價委員三名復驗若查得茶品果係與官定茶辦相等自當給照放行如查得茶品比官定茶辦較下者則令茶商具結限於六個月內由驗明之後起計運出美國設使過期不出口稅務司設法焚燬

與亞有機錄申報(○)與亞會創於日本根本梁川子爵武揚台亞洲各國顯宦名流講求振興之策而以渡邊子爵洪基副之既又收稱亞細亞協會往歲余薄遊日本會中人特開別會於芝山紅葉館適渡邊子爵奉使意大利國遂公舉宮中顧問官花房氏義賢承其乏時則衣冠裙履香翠如星談笑風生情來興往援本于爵殷勤款接執手語移時大旨謂中日兩國形勢天然天特欲使唇齒相依成輔車之勢非僕等力所能強為也余亦舉酒獻祝詞盡歡而散今者戰禍既息玉帛重敦日本小田君當卿奉政府命航海來華署理總領事之職遂謀之我華當道開支會于滬江前日為會議之期兩國衣冠師濟濟時適吳門江建霞太史湘學任滿瓜代而歸因之邀入會中暢發崇論宏議我知此會果能持久則亞洲氣象自當浮然以興誠何患強敵生心恣其鷹瞵哉俄人妙算(○)西報云俄德二國皆以為中國之商務為英人所獨據觀歷年貿易之冊知由英所來之貨物與德國較之實盛四五倍則所獲之利自更甲於他國也夫英人赫德君總理中國海關稅務亦有年矣而俄國官報局屢因英國在中國通商獲利甲於他國以所得之利為國家之資故登諸報章布告天下客歲中國借滙豐銀行之款以為國家之經費辦理者英人胡立倉美生而滙豐銀行以泰西各銀行放款之例無論國與民必先定以何項為質或以何人為保方可允許故彼時滙豐銀行欲以中國之捐項為質而中國皇帝不允論諸大臣停借國債一節後知中國非不借也蓋因俄人欲放銀一百兆兩與中國無須作抵押惟求長城以外北方諸鐵路以及各礦等皆准俄人經理並請革退赫德君另易俄員以辦理海關稅務嗚呼俄人之存心險矣夫英以通商獲利於中國今俄雖不能以通商獲利欲以放款為由較通商取利尤巧也美國欽差田貝居中國十餘載久駐京都伊觀中國與各國之情形曰德人之行未可料也夫德人據膠州俄人據旅順日人據威海而英人獨不可據朝鮮與上海之口岸乎一千八百九十五年人皆言俄與中國立定合同應保守中國自膠州被佔之後則知此為俄德法所定之謀以侵中國之計耳嗚呼中國已歷四千餘載矣今將為各國之戰場也豈不大可惜哉

上年印度洋紗情形錄維新日報(○)香港循環日報云印度孟買華花紗年報言西歷去年孟買洋紗最為失

色推原其故實因天時不美禍患頻仍致紡紗之家生意爲之大壞且又迭遭疫癘工人避地園存雖有大工無人操作上半年紗局停歇至三四月之久五六七數月法官又禁止印紗不許運入東京八九兩月匯票更變幻異常以致生理大爲窒礙而銷售愈覺寥寥迨至冬間又因銀圓貶價華商受虧不少故皆畏首畏尾裹足不前計西歷前年孟買紗之運赴中國及日本者共得五十萬零七百四十三包去歲則僅得四十四萬七千二百四十五包計少去五萬三千餘包生涯冷淡不問可知矣

俄人忿怒錄報○九洲日日報云英國現在請中國假威海衛謂英國已經伸張勢力於楊子江以北四百英里之地是實對俄國挑戰也忿怒特甚

各黨總數錄報○日本報云日本人士結黨而論政事者甚多其重者即爲自由黨及進步黨頃見兩黨自明治二十九年三月起至明治三十年十二月之間黨員出入表云進步黨入黨者八千一百七十五人出黨者二百十八人自由黨入黨者一千零七十二人出黨者三百十五人可謂盛矣

準備海軍錄報○聖彼得羅堡來信云近聞海軍大臣飭令黑海艦隊倍下兵艦十一艘糧餉軍械裝齊糧餉聽候調遣

日英交涉錄報○九洲報云英國政府前迫請中國假威海衛地方已經允諾遂萌於日本政府駐泊英艦於該地而日本政府答以日軍現未撤去不能允英艦之寄泊蓋欲免兩軍之衝突也

宜添陸軍錄報○日本官報云英國海約翰君在支勒佛地方演說某日報以爲所陳之言皆切實可行其畧謂英國各處陸軍均當整頓俾足征戰而後可此不容稍緩者也夫使英國即行增兵較之他國爲數並不覺多況自一千八百七十一年以來未嘗多添一旅而所增版圖不啻共千萬方里按圖觀之淺紅色界綫大有變動之機海軍雖云最著而防患猶有不周苟於敵船不能攻之虞忽起干戈則各處義團不足臨陣各項軍裝不足敷用誠可憂也但未審國家果有憂爲此否薄君演說各節甚欲朝廷留意即我國之人亦當斟酌善法以答其陳請本報盼甚

東報矜誇錄報○香港循環日報云日本在英國所製水雷滅船名堯忌尾刻已竣工日廷特命管駕某員前往統帶回國取道蘇彝士河沿途不用大船護送日本各報因論之曰從來水雷船未有踴躍獨行者今此員竟敢駕之自西徂東洵屬膽識兼優實爲日本海軍之榮耀將來可註名於天下水師紀略中以垂不朽矣按中

日交綏時曾有俄國水雷船由歐洲至香港並無戰船爲之護送迨至中日言歸於好又有德國水手代中國管駕水雷船由依路邊準抵中土亦何嘗用戰艦護之是則水雷船之獨自東來非自日最始矣乃東報竟以此爲絕無僅有之事或者日本維新未久所聞尙屬不廣是以謂翫然自誇耳

日用棉紗錄大公報 ○日本所用棉紗係自英國運來其所用之棉花則自中國印度美利堅埃及等處輪進由一千八百八十六年至九十六年進數每年加增其始進口之紗共值日銀八兆半進口棉花共值日銀十四兆迨至去年此兩項進口貨共值日銀三十二兆半

俄兵侵境錄遠報 ○九洲報云俄人大率陸軍陸續入侵中國北境今又接齊齊哈爾地方來信俄國近來飭派軍隊已越國侵入中國內地現在屯駐黑龍省內其軍隊分別步隊砲隊馬隊等三部每隊各有一萬二千名或一萬五千名其後逐漸增加挨次前進云又現在漠河地方居民望見俄兵進入皆惶惶無定且該地方金礦甚多是以居民咸恐俄兵掠奪其利日夜焦慮不知所控告焉嗚呼北方之野屢被兵燹全境將爲焦土竟無一人能禦之者

國會決議錄遠報 ○鎮西報載倫敦電報云美國下議院頃將美西之事議定三條已呈明於總統一曰美國須向玖巴島宣告准其獨立之意二日照會西班牙國可以撤去駐玖巴西軍三日雖至不免開戰可必實其目的云云

利美美利錄官報局報 ○晤士報云俄國利美地方新近尋出產煤油之區現正設廠興工開辦不繼足會捐款續題名

劉友橋字炳堂瀏陽人捐銀四元
危道濟字勉齋黔陽人捐銀一元
楊春棟字松巖黔陽人捐銀一元
朱其惠字迪甫江蘇寶山人捐銀一元
朱其懋字聰甫江蘇寶山人捐銀一元
朱其憲字景甫江蘇寶山人捐銀一元
顧佩元字培原江蘇上海人捐銀一元

張慶雲字紫峯湘鄉人捐銀二元
馬先權字子旂清泉人捐銀一元
吳定邦字 平江人捐銀一元
朱承奎字繼垣善化人捐銀一千文
劉昌浩字蔭軒武陵人捐銀一千文
劉福貴字長生長沙人捐銀一百文
蕭 凱字仲階浙江上虞人捐銀四百文

三味書局

新設長沙省城走馬樓擇於四月內開張本局不吝資本廣刊善本各種
書籍延請名人校對精審以惠士林兼辦各省官局家藏善本書籍及時
務各書分計開新刊名書 讀禮通考 五禮通考 乾隆府廳州
縣志 讀史方輿記要 傳年部價洋五元

股票寄售

自西曆時務叢書十六種歷象攷成前續編股票寄南陽街興文
里新學書局出售新出各種算學時務書甚夥而價極廉

原 天文地學歌畧

刻 歐洲八大帝王傳

減作制錢 叁拾捌文
貳拾肆文

南正街維新書局發兌

失票聲明

啓者三月初四日漢口天成豐庄立票向長沙本號三
月底兌交鼎記長平足紋壹千兩票係是月十三日岳
州恒昌錢號交森昌信行遞送長沙達順照收於二十
日在平江縣地方被盜搶去當在該縣報案茲復在善
化縣存案前請有驗單交天成豐嗣後無論中外各色
人等拾得此票均作為廢紙特此聲明以便週知此佈
岳州王恒昌 長沙天成豐全啓

濟世良醫

湘鄉吳君號息機道人
寓湘鄉昭忠祠神白

勸潭寺

記淑

新學書局

移至府正街

開三月二十六日日用各物時價表

物名	每買	價值	比較	物名	每買	價值	比較
銀	兩四	一千三百四十文		銀	兩四	九百二十文	
鐵	千文	七錢四分六厘		鐵	每串十足	七錢九分五厘	
上白米	石	三千六百文		次白米	石	三千五百文	
中米	石	三千四百文		灰米	石	一千六百八十文	
同四谷	石	一千七百四十文		灰米	石	一千二百斤	
洋粉	包	二兩六錢		洋粉	包	四兩文	
茶油	百觔	七兩一錢		菜油	百觔	五十六文	
洋油	百觔	一兩八錢五分		桐油	百觔	七兩四錢	
牛油	百觔	一百二十文		桐油	百觔	六兩	
歡喜炭	百觔	六百五十文		草木炭	百觔	九百五十文	
中棉花	百觔	十六兩四錢		上棉花	百觔	十六兩八錢	
預印折盡	石一百四十斤	三兩九錢		下棉花	百觔	十五兩六錢	
三印折盡	同前	三兩三錢		二印折盡	同前	三兩五錢	
塊煤	石	三百六十文		吳庄紙	石	三兩八錢	
柴煤	石	二百四十文		煙煤	石	三百二十文	

朱子語類已有西人格致之理條證

劉陽唐才常撰

格致之說自漢儒以來亡慮數十百家惟朱子卽物窮理一言孕義宏深天人靡聞故其探索氣化之功冠絕羣倫荒落之儒望塵弗及而班於良知頓悟者自純隸舉功而外卽格物致知之理亦以頽空應之浸淫至於前明而承學之士益以其荒渺不可知之論求其所謂明心見性者矣國朝諸儒懲其弊而一肆力經籍言之有物持之有故跂跂脉脉簪燈求明阮文達之修嚮人江慎修之造機器神智日宣齒萌方始意者格致之學其大興乎然而光氣初開圖籍未備叩寂求虛難覓實蹟雖利瑪竇南懷仁湯若望之倫聯翩東土流風漸被蓋軌方宏而挹其餘波遠之不過步希鳳七賢之空理近之不過追阿盧力士託德爾之初恍以視近來泰西格致諸家精研製造兢闢新奇敢富強之秘鑰通造化之機鈴者甯可同年而語哉然說者謂天子失官守在四夷彼其學皆吾昔人所已道者如地球渾圓及天靜地動之說大戴記周髀經易乾坤鑿度河圖括地象俱已發其蘊他如墨子亢倉子莊列淮南所言有志之士淵淵以思應旋尊義證彼天學氣學化學重學電學光學所自來意欲正其名曰古學以導引中國智能之士其用心之苦良可欽企則亦揮精格致之先養也若夫朱子語類其闡明天地日星風雨雷電及一切氣化之理尤所在多有今以西人之說因類比附則太瑣精金光華遊露於斯可見天地自然之理無判中西無殊古今彼高談宋學而深閉固拒輒詫新奇者其亦非新安瀛洛閩閩之真徒與嗟夫三王之道若循環大地之運無終極科學之坑填以億兆衫襖而將滿道器之精證以中西微言而非迂而今而後乃知有宋諸儒之用心篤而致力勤哉惜其運會所趨未至於是則其理遂有精不精者然有志者於斯可自反云具爲條舉如左

語類云今坐於此但知地之不動耳安知天運於外而地不隨之以動耶是地動之說朱子已發其端又張子云天左旋處其中者順之意謂地亦是一動物處天之中隨天而左旋故覺地右而天左此地動不始於西學之明證朱子又云天運左旋之長短非日星出沒之所爲乃地之旋轉四方而然

語類云天以氣而依地之形地以形而附天之氣天包乎地地特天中之一物耳夫曰天中一物是已確知地球爲諸行星之一

語類云日食是爲月所掩月食是與日爭敵又云自古以日月之蝕爲災異如今歷家却自預先算得又云數廟朝下詔此定數不足爲災異案今西人亦甚闢災異之說云日居上而地居下月在其中斯有日蝕月居上而日

居下或月居東而日居西地在其中期有月蝕緣月與地皆黑暗無光受日之光一有遮蔽使仍黑暗其說與語類合又河漢諸古上日蝕可証也語類云必知形一定之理若地體果方月中之地影必其圭角何以月蝕或滿或半或少半人但見其圓形是語類雖未明言地圓而地圓之理已具其中矣

右天學 案語左旋右旋與今西人以日爲心者不合然此是西人新說而舊說尚未精到蓋格致之功日出一日而朱子固彼國之阿盧力士託穆爾之流也

語類云山河大地初生時須尙軟在案西人言地之初生時由日球拋下一團熱氣沸騰空中皆是軟質迨外面漸涼熱汁進入內心始成硬殼竟與語類之言大同

語類引素問黃帝曰地有憑乎岐伯曰火氣乘之案所云火氣者即西人地心皆火之說也談天云地面雨露風雷電及草木動植諸物皆熱力所出然則火氣乘之一語得西人地學之精矣

右地學

語類云清剛者爲天重濁者爲地案談天云凡人或乘氣球上升或登高山去地漸遠氣漸輕而肺呼吸必漸苦用風雨表測之高一千尺氣輕三十分之一高一萬零六百尺輕三十分之一高一萬八千尺輕二分之一一測其氣重爲海而重八分之一故氣居地球之外近地最重而語類中言氣輕重者屢大不相同又云地是氣之精粹是以確知氣學之理但未如西人之屢累高下算出耳語類問氣塊然太虛升降飛揚未嘗止息曰此張子所謂虛空即氣也蓋天在四畔地居其中減得一尺地遂有一尺氣又云游氣紛擾生人物之萬殊又云陰陽循環如磨游氣紛擾如磨中出者案西人言空氣合轉養炭淡而成現地球外皆有空氣包羅即天地氤氲之氣所以生有萬物者也語類天地氣化也人物處空氣中如魚之泳游於水中若一離空氣則死語類又云人呼吸時氣此最與朱張之說合又英地理師祁觀謂空氣人無一息不呼吸亦無一處能離圍裹地球如套有英文家又其說皆同空氣

語類云雨氣皆露氣清氣蒸而爲雨如飯飯蒸之其氣蒸鬱汗下而淋漓氣蒸而爲霧如飯飯不蓋其氣散而不收又云龍水物其出而與陽氣交蒸故爲雨但尋常雨自是陰陽氣蒸鬱而成非必龍之爲也案此即是西人汽學之理然語類所云是天地自然之汽西人則師其巧以代人力如汽車汽機鍋爐汽器等物爲用無窮而陰陽之秘洩矣汽學

右氣學

未完

諭旨恭錄○奉 上諭徐桐奏司員充法賄求據實糾參一摺戶部候補主事陳昌圻因會典館所得獎叙不優意存無異實屬膽大妄為陳昌圻著即行革職以示懲儆該衙門知道欽此

閩督奏摺

頭品頂戴閩浙總督臣湯寶泉跪 奏為閩省添購外洋軍火器具並用銀數開單恭摺具陳仰祈 聖鑒事竊照閩省大陸各軍練兵防勇及砲台砲勇光緒二十三年分操防需用硝磺火藥銅帽皮紙水呢帆布繩索油漆等項先經查照新章將添購數目開單 奏咨旋准戶部得准購辦俟購定後即將實需開列價若干詳細開報等因當經轉行遵辦茲據閩省善後局司道詳稱光緒二十三年准購各項已派員分赴上海福州等處向洋商照數採購陸續運閩驗收購用現各員開報共需規銀一萬二千一百三十一兩又庫平銀四千九百六十一兩九錢二分三釐一毫均照外洋時價核實開報或與上年購價相符或較上年有減查無絲毫浮冒即在局存餉內照數動支給領單入光緒二十三年分善後案內造銷詳請 奏咨立案前來除分咨戶兵工三部察照外合將光緒二十三年分添購外洋軍火器具動用銀數繕繕清單恭摺具陳伏乞 皇上聖鑒謹 奏奉 硃批該衙門知道單併發欽此

御史文梯片

再奴才條奏既以納言為請而言官以給事中御史為專司現在奴才衙門滿漢科道八十人其中能知政治之體具忠愛之心者固自有人而尸素偷安者恐亦未能悉免奴才到任未久於人無無恩怨惟欲為 朝廷得人計實不敢遠嫌不言擬請 旨飭下都察院掌官公同考覈認真查訪科道中如有聲名平常才識庸碌者似應及時量予甄別至奴才等滿御史向由各部院保送引見記名補用保送之時各部院率以在署差使較少自行願送之員出保斷不肯輕易保送出色得力人員以故滿御史中老成拘謹者尚不乏人其在部院能辦事會充掌印總辦差使熟習例案閱歷有得才識閎通者皆難滿御史之選似非慎重官官之道擬請 旨飭下吏部各衙門以後保送宗室滿州蒙古御史時務必儘當差得力可保列一等人員保送勿得仍前僅由願送人員內出保即吏部於咨取時文內聲明以掩積習再查漢員保送御史之例向分翰林部屬為兩班從前滿蒙編檢人少升轉較速故未議及保送御史今則翰林院有呈請分發外省候補者奴才等恐 聖恩飭下吏部核議嗣後保送宗室滿蒙御史可否援照漢員例一體准翰林院編檢人員保送引見記名後以照例分為翰林部

兩班補用仍不斷其升轉內班如蒙 俞允則滿御史可收得人之效似於言路不無裨益是否有當附片具陳伏乞 聖鑒訓示謹奏奉 旨欽此

中國財賦通論續稿 ○論釐金積弊並洋貨照章不能抽釐 ○中國關利源無他妙策計惟於釐金想法須其綱挈其領而已然亦難矣加釐增賦額外橫征如商約何今而責大臣長吏勢難細之力籌巨重之資是猶無米而責為炊也故釐金之舉莫之敢廢內地督撫有真知灼見恐失釐金之權所以堅拒西江關口之議也廣東釐局總辦孔言於衆謂天津條約既修內地稅釐更改之後所謂百抽二五之稅此間實未有得倘並去釐金辦事必更棘手蓋以見其抽釐之非得已也於廈門吾見貨方起卸而釐卡走卒即跳上駁船看守似貨一移動而即失釐金也者於福州亦然洋商執商約及額爾金所修條約以相抗謂正稅之外不得他有所增華人堅不相讓勢必互相爭辯因抽釐而交關者屢矣咸安瑤所立煙禁條約第三端請准以租界作為免收洋貨釐金之處洋商不願受此限制謂如此約是明告華人一逾租界遇卡即應抽釐既完正稅本口僅免他耗也試問如法商紅酒入英正稅已納出棧之時又加小稅法政府將謂何如所以煙禁第三端之約各國聚訟斷斷未得實在施行十二年前修約載有專條即以抹其失也華人乃援已廢之約章為取釐之確據所有洋貨一出租界斯索釐金至其甚遂謂通商口岸城邑洋商無僑寓之權近聞蘇州立為通商口岸中日約章亦多未協至通商口岸以租界為城數語華人微引煙禁條約欲立專條以示限制且使將來洋商貿易困於界內不得越其範圍又聞蘇州官長頒示文告嚴禁民間以近界田地售賣洋人並謂洋貨運入城邑即須照例納釐無如南京條約載有明文英國人得在通商口岸城邑隨帶眷屬居住任便從事各項商業天津條約載云所有添設通商口岸應享利益及優例豁免一體均需馬關條約亦載所開四處通商口岸城邑日本臣民均得往來僑寓及從事各項商業工應制作等事三約具存翻案匪易將來通商口岸城邑釐金或當盡其豁免也至其本國商民如受例外完全各若楚一聽之胥役而莫敢奈何以致生出偷稅買放等弊情亦可憫將來清除各弊或非借助外人不會功總之中國境處兩難其補救之方固不在加釐增賦也使一切交涉事務儘能參酌時宜不膠成見俾友邦各副所望則相安無事可也第期中國以明權達變責效良難而合羣力而勢迫威壓翻圖富易是變而不變不無堅牢莫破之境而不變之變自有迎刃而解之時也 ○論鐵路借款 ○中國事體不一於借債又見一端方盛京卿之借款修鐵路也商辦餉落而比人之購辦未絕也總為法商之款所格故為中國與借債款無有不受累